

怡志堂詩初編

怡志堂詩初編卷八

丙辰

桂林朱琦伯韓

至京館翰臣寓齋

薊門三日雪太行白如馬奔涌從天出雲氣亘大野春
風忽吹散攬轡至日下晴明有喜色朝陽照屋瓦梅花
開一枝暗香襲衣袴隔年欣見子亂後手重把五載瘴
海間苦心誰知者故人雜沓至門外車摩轆風流兩京
兆謂蔣申甫大尹霞舫少尹直節今亦寡但問故鄉事悲歎歲月瀉
王定甫招集西舫小飲翰臣詩先成次和二首
元都重到竟無詩上巳桃紅又一時萬事休論付杯酒

十年潦倒惜花期且欣內史還修契欲繡平原更買絲
我自思歸歸未得潛通小有憶仇池

晨燈酬唱續清詩西舫春寒聚少時

君有晨燈集一時和者甚衆

一一

字聞仙羞剽盜百年鄭老赴襟期要看公等迴元氣不
惜風塵浣素絲遠志出山仍小草未妨臭味有差池

繡山嘗言王子梅欲得余詩因出顧祠聽雨圖爲

題長句

一人一像藏顧祠各拈一韻題一詩

丁未九月顧祠贈別繪同人小照

祠內九日高會遽歸去回首已是十年期當時好事何與
張後來詞客瑯邪王潑墨作圖卷飛雨雙松照影吟笙

簪僧寮瓦古短垣圯獨恨平子成先死

謂石

翰林仙人

亦貶謫舊交星散今餘幾東山酌酒氣猶豪薛華長句
風格高惜哉風塵困筆楚策蹇遽去如藏逃春寒苦雨
已二月松花亂落如殘雪城西荒祠少人到獨對茲圖
歎幽絕

葉潤臣思歸不得作江漢歸舟圖寄意

一舟小如葉淡墨漬烟樹大江無惡風直指漢陽波
擲笛逢仙人梅花吹何處快事那有此千里自歸去濯足
巴陵東洞庭可吞吐昨從君鄉來悅悅墮塵霧荒山餘
龜蛇腥風穴狐兔城中十萬家樓宇半僵仆藏書付煨

燼金石亦無數一笑浮雲變萬事都非故城南再呼酒
真氣時一露披圖作豪語曹騰任朝暮夢中江天大猶
得侶鷗鷺

朝鮮吳亦梅至都得李藕船消息卻寄

老狂得酒猶磊磊豈有詩名動海外忽驚遠客相問訊
凍筆槎枒走光怪世事滄桑多變幻且喜故人尙健在
閉門讀書無一事寂寂車馬絕塵猥西臺弟子白髮新
潑墨淋漓訴真宰論詩品畫亦不惡大雪長安落璀璨
鳴綠江寒柵門遠草木春同新破蕾藕花十丈高如船
只有此心東到海

亦梅索題天竹齋圖

小齋幽且妍，闔天挺若竹。枝葉何纍纍，離披翦紅玉。植
之風雪中，清標秀西竺。豈獨炎官避，頗可藥凡俗。粲粲
吳季子，東溟奮高躅。袖中珊瑚枝，莽蕩搖海綠。落月出
關門，中原遠在目。元鶴倘見招，黃葉篇再續。謂藉梅花
一萬樹，冰雪積卷軸。君持此詩歸，淚上看雲出。

陳疑甫舍人出示尊甫九香大令紫雲研冊

研上隸書紫雲端，刊自有宋元豐之六年。是時坡老在
黃州，同張懷民游承天銘之左側，廿四字雲耶水耶相
澄鮮，雲水無名定何物。萬古不壞惟粹堅，袖中蠻溪剩

此石潭上涵星復翳然愁心今古千疊山詩人一例窮
可憐公有故人方山子裔孫仍隱光黃間愛公之詩寶
公研得自顏齋猶沃田不炊而熟中州語丹紋奇古誇
墨緣陽羨何曾置五頃食古先勦詩一編新刻食古
研詩集簡
齋無已守家法固應有子如斜川幅巾異時倘過訪研
匣細視蛟龍躔更向老坡乞轉語不待山中招我歸來

篇

胡新泉出示石臣姻丈遺墨山水長幅自題云零
落人間一角山和者多次韻新泉余之女弟夫
今官農部重見京邸適余亦編次先大夫遺詩

感題卷末

零落人間一角山百年喬木涕洟瀾博陵畫本仍如舊
安國遺書未忍看池館尙餘新草綠兒孫不變素風難
兩家手澤各珍護抱卷重來欲再刊

題王芝舫竹嶼圖用圖中汪仲穆韻

蕭蕭城市如山谿繩牀竹影搖東西時時空翠落人衣
此心光明如朝曦仰天微笑似欲語抱琴石上幽鳥啼
移居蕭薌泉侍御紫藤山館雨後簡仲穆並示陳

凝甫中翰

子雲好客兩椽屋東野移家百本書驄馬人猶愛風采

儒冠我自笑迂疎
天門蕩蕩春暉遠
蘿檻陰陰暮雨初
只有街南兩詩客
時時呼酒過吾廬

夜雨次前韻寄魯同甫

超超進退誰相念
臨別殷勤一紙書
酒不澆愁春夜短
夢猶思越雨聲疎
劇憐衰疾仍羈旅
豈有文章到古初
絕境杖藜同歎息
班生終返故山廬

得會稽令莫子任書知韋詞臣欲歸不果復次前
韻寄之

江南道路猶多梗
鏡水艱難有報書
萬里此行真自悔
一官苦戀計何疎
仲宣樓上頻迴首
叔野樽前感遂初

寄語韋郎亟歸去湖西爲我闢精廬

校正先大夫遺詩再疊前韻

手澤僅存詩九卷燈前和淚校遺書百年世事浮雲改
一別燕臺耆舊疎宿鳥池邊花落盡荒雞窗外月明初
露車忽作王尼歎難問蠻谿舊草廬

黃翔雲招同仲穆凝甫遊永樂禪林仍用前韻

聞說老僧猶示疾禪家別趣不關書衰年未覺功名薄
當局方知計畫疎拄笏遠山秋氣早盃盆佳果晚涼初
紛紛輕重何煩校豈有任人問屋廬

祁春圃相國用拙集論詩五首韻見贈依韻奉答

潞國麗眉未覺衰元公白屋不爲卑司農暫解樞衡重
纓谷微吟憶昔詩

黃羊遠溯家風古蒼頡精刊衆說粗前有亭林後經韻

二徐兼采到王符

王麓友大令嘗
爲公校刊說文

洛社閒身仍醉白元和老筆要推韓豈惟文字衰堪挽
旋轉乾坤自不難

主聖臣賢曠古遭隱憂江海尚騷騷陸生試揣何深念
東閣重開莫憚勞

懷中鍼芥豈輕投爨下琴材肯見收敢說橫汾聆漢曲
淙淙始識水東流

晨起

晨起一無事平池夏氣幽荷圓新出水雨過竟如秋僻
性遲搜句微寒索敝裘尙多湖海興把卷暫忘憂

李竹朋同年出示晚香夫人畫蘭冊子

攜書就讀如良友香祖菴中第一香更有梅花作知己

夫人名所居曰梅菴室不須清夢到都梁

題何青士水部供菊圖卽用圖中自題元韻

五字柴桑筆力騰水曹雪裏認紅燈秋來玉枕無人捧
只恐前身是惠能

落英已度晚霜天三百清齋廚少烟仙子作銘同一笑

青柯勁節自年年

四月三日葉潤臣孔繡山招集同人於慈仁寺爲
展禊之會是日先致祭顧先生祠然後與會

往年聽雨寺西隅倚醉下筆詩膽粗今年春寒久不雨
蒼苔盡裂松根枯荒剝閣黎何所有一二老僧白髭須
擔柴汲水出應客開成井乾啄野鳥祠前兩楹半頽圯
斷槩數櫝堆亂書

宋元學案書
版藏詞側

入門歎咤異今昔循壁

且看空王圖華嚴丈六現彈指以火來照形狀殊彼教
尙能護龍象吾道奈何委榛蕪緬維國初盛經術逸老
往往勤徵車大開史館羅英彥推轂奔走來潛徐亦知

高爵未可餌興起樸學誠非誣百餘年來訪遺址薦列
樽俎崇祠廬翰林作始我亦預嘉辰歲歲陳芳醕編排
名字隱埃攷豈但文酒爲嬉娛郡國利病棄不講坐使
狂流倒江湖中原格鬪少將帥亦由謨謀無巨儒司農
水衡盡束手吏事未免親鎔銖丈夫匡時無一策不若
苦空說浮屠殿閣况直新雨霽老木綠陰蔽簷除西山
遠望有秀色頽日欲下雲模糊朝官散直一無事車馬
如龍踏高衢流觴祓禊未可廢二子風流萃簪裾高名
異代動遐想不飲兀兀胡屢吁天下大政在誅賞邊徼
所急惟軍儲七年兵間召諸闕微意頗欲陳區區精靈

如告憐我拙氣味誰親筍與蒲淮上詩客氣儻葛謂葛通甫
臨別念我猶趨趨爲書此詩與商權更訛淮北兵事今
何如

同仲穆潤臣諸君飲陶然亭二絕句

一亭聚九客四顧何莽蕩荒城墮殘月大地自清曠
往者胡爲悲來者孰與紀亭前葬花碣秋山有春氣

繡山尊人宰瓢城有惠政作瓢城吏歌美之

瓢城吏清如水只飲瓢城一瓢水瓢城城小小似瓢黃
河水高風怒號百夫呀喘不憚勞千樵崩裂魚龍逃瓢
城吏樵冰苦糧艘不得行難迴長官怒民間吏去啼且

走皆曰還我好父母君不見瓢城吏在人口碑上兩字
青天大如斗

六月廿一日歐陽文忠生日林穎叔水部同少鶴
農部招集松筠菴拜公絹本遺像潤臣舍人亦
攜詩龕摹本張壁間與會者陶見香張詩船兩
侍郎錢萍江理少龍翰臣通副孔緒山中翰劉
炯甫孝廉圖爲穎叔所藏上有 乾隆御墨並
晁李二跋分得宜字

滁州遺像昔所窺栢槐高秀列兩眉風燈過眼又十載
拓本遺憶琅邪碑裴溪大石何頗頗荷花生日香滿池

一琴一樽爲公壽冠佩再覩天人姿公之文章百世師
公之自樂知者希博士徒傳醉翁操省郎解誦鸚鵡詞
風月清切留曹司劫火不壞誰護持圖中二贊隱可識
李端叔與晁說之詩龕一圖並完好宸翰照耀椒山祠
諫草有亭自先後升階偃僕欲拜遲公當盛宋偃兵革
白髮青衫猶歎咨何論戰鬪變陵谷忍使曹杜遭芟夷
歸田如公未敢知孤遠晚出足瑕疵帽龜感舊鬢有絲
瑟瑟作絃苦無皮金石千卷聊自嬉亦知古嗜非今宜
不如花前醉倒紫泥卮

孔繡山韓齋雅集圖

孔君性好客年年爲雅集每集必有圖繖素高一尺圓
成輒索詩歲月識歷歷記者春木翁書者道州筆柏枳
與石洲四子畱妙迹我生數知己不忘師友益訪舊自
驚呼老淚如雨滴劉郎笑重來衛八感茲夕萬事不如
初滄海判今昔

司馬繡谷善繪事醉後尤奇席間出采芝圖索詩
繡谷先生五十九醉墨淋漓酒一斗卻被人稱老畫師
此老胷中無不有燕市遶遶強超走自拈一芝開笑口
尊前意氣北海豪風流豈落南山後江鄉半壁紛塵垢
落拓一官呼負負蒼顏白髮驚相逢短紙秃筆大如帚

巔厓老幹迴屈鐵濃墨橫皴出雄厚邊鸞寫生知名久
隻鶴歸來誰與友每思營邱輒興歎安得蓬蒿臥田畝
堂堂歲月侵人來昔日少年今老醜仰天不飲杯在手
壁間劍作蛟鰐吼似聞江海亟徵召往取黃金印懸肘
同仲穆飲慈仁寺與劉開生翰清言別

慈仁寺側讀古碑開成井闌覆荒祠一架紫藤何臃腫
兩株老栢尤支離客中送客飲不痛山外有山雲自奇
老僧疊石作尋丈更就隙區開一池

方小東金臺游草

人嫌才子汝才多無奈蟠留百怪何
碣石樓臺荒白且

蘭門風土助高歌蛟螭自易驅蟻矧璞玉難雙要琢磨
我有一言君記取候門無事不輕過

聞潘慎生消息次前韻懷之

十刹荒寒酒市多燈光如海奈明何黃郎豈少幽燕氣
斛律重聞勅勒歌鐵騎冰天紛慘澹鉏車壁月幾消磨
鴈鵠吟侶今來否莫負花期一暫過

吳亦梅攜藕船和詩並恩誦堂集見貽題寄

海鄰風月載歸船

君有海鄰詩鈔

兩地相思倍黯然知己再逢

吳季子報章猶問老梅仙

和詩貳及梅伯言

白華絕頂三千丈

黃葉懷人廿八篇卻喜琴樽圖尙在分來恩誦及春先

藕船復寄酒缶銘橫卷次答卻寄

海外論詩李藕船百年鬢髮各蒼然接離倒著真狂客
眉井新銘亦酒仙聞談林邱甘臥病遠追蒲褐有佳篇
若教東國論舊舊未識臺山孰後先

讀金臺山詩而未識其人

聞友人失子慰之

我年五十始生子君正丁年未覺遲
灑涕自應憐舐犢騎雲何處問靈龜
莊生弔詭翻爲壽揚氏元文亦最奇
美惡有無同一例涅槃佛語不須悲

送翰臣學使之江西

鄉團五載同辛苦冠蓋重逢自去年
百粵只今思父老

鹽鐵因時變薪芻索價高樞言稀奏記園法困錢刀獨
客安能樂微生亦太勞揮杯自相勸兩鬢漸蕭騷
飲退新趨懦交親亟飲醇亦知賤士醜未讓古人真開
徑能求益餘糧豈餽貧共君敦夙好買醉莫辭頻

人日葉潤臣孔繡山兩舍人招同朝鮮吳亦梅安
桐齋飲聖公舊邸

入春七日有詩無隔歲消寒補作圖恰好瀛洲談二客
未忘皇甫重三都藕船寄詩
贈及前飲上公賜邸花先發海國知
名道豈孤白髮青衫同一醉夜闌燈火照歸塗

次答楊汀鷺

傳第

並簡潤臣

河防兵志夙所聞絕學今更傳子雲八百一圭幸分我
半千三對真知軍長機倘可託晚暮短布豈能忘華勲
虎房雪落風似虎青眼高歌只兩君

汀鷺亟稱余新饒吹曲復次前韻

巨眼如君昔未聞南山挾瑟過行雲長江不廢自千古
老鐵誰能撼一軍協律翻推張水部風流何似杜司勲
百城坐擁相歌和此樂豈殊南面君

潤臣用前韻見和適讀楊性農鶴部移芝室草因
題卷後並次答

日下相從訪舊聞山中芝草茁湖雲一鐙酬唱萬人敵

性農次少鶴晨
銓集至九首

寸筆指麾三百軍

性農以三百人守其鄉

楚國異

才真并世舊時尺筆敢論黜門心已懶荒鉛棄鼓角重
逢又有君

讀潤臣近稿因憶哲兄崑臣使相

箇裏山陽句屢賡廿年知己一尊傾相看君自如冰雪
且喜吾能啖菜羹江漢歸思征戰苦魚龍偃臥海波橫
天涯莫遽謫風鶴僕射於今是父兄

重讀柏枧山房遺稿有感

去年讀竟曾書後流涕師門奉瓣香把卷低徊猶昨暮
旅居容易又春光到江濱潦終須盡滅樹蚍蜉不自量

尙恨從前疎，領略未從真。放剖毫芒。

謝李芋仙貽楚詞善本

高齋富藏書，谿館楚詞妙。私忖欲得之，未遽奪所好。乞
歸暫一讀，強諾意微懊。越晨君過訪，把手忽狂笑。袖中
一束書，持以相等較。紙墨無稍差，奇獲匪所料。平生文
字性，根柢在忠孝。友朋義既厚，精氣隱相召。峩峩獨立
樓，天問助雄鷲。旅舍忘卑棲，揚馬奮高蹈。京華積三載，
貴勢不一造。酸鹹胡我嗜，持贈比圭瑁。翻欲拜牀下，銳
意窺道要。南豐瞻前賞，贈詩及
曾侍郎公達絕背誚。嗟我復何
有，荒學恥近耄。離騷二十五聖處，安敢到且顛。蘭芷秀

更取鐵厓校

君屬校楊
鐵厓集

一鵲徒往復瓊華未云報

元夕書示少濤族弟

形同老鶴強翩躚
藤館陰陰欲雪天
私冀田應無惡歲
似聞寒已過堯年
殊方兵甲誓難至
九陌烟塵月再圓
堪笑車棲猶昨歲
燈花何故闌新妍

朝鮮安桐齋集繡山寓齋索詩

浪津推舊族宗國有嫺親

宋末孔氏支裔有
適桐齋遠祖者

白裕正年

少青螺點筆新文章無畛域磨礪自輪囷
北學今誰繼

吾當問海鄰

黃少蘭司馬自江南來席間話張殿臣鎮軍戰事

歌以紀之

微月階前照汪汪江南有客方醺觴太息蜀帥旣已死
兵柄可付綏州張綏州善戰智且勇虎毛被額豹褊褊
戟門銀袍正奠醑彼虜遠視來撞搪將軍大呼有我在
軍帖百道安罷厓夜出不意火賊壘飛刀一指奔羣羊
健兒十輩一敵百僞旗斫倒烟霾黃鶴門垂翅復大振
凰橋再奪血裏創解鞍休暇示不戰卷地突至句曲岡
軍中以是服其膽草檄於子亦有光自從石鹿兆贗鼎
勢同黃犬尤跳踉督師屢易機屢失鄂岳直下難周防
獨有此軍彼所憚狡酋厖指暗莫當可惜牧豬太微賤

椎埋不齒諸侯王將材豈能棄二卵叫壘再生泣張綱
我亦曠舉類敬仲鄉曲百口解謗傷丈夫忠義耿自許
功不掩罪恩不忘三十登壇建旗鼓吳越千里憑遮障
長白如瓠有直性再拜執禮弟子行子時佐幕眼所見
橋竇一馬還扶將韓刀不刺幸得脫以手推止毋涕滂
孤危百死話前事先識猥以匡山方丹陽大尹世亦少
幕下尙恨無子房况閭節度互牽制棄甲往往憂餓糧
拔卒爲帥破常格號令齊一兵雄強中興作頌洗兵馬
後漢中唐今再昌笑言太白吾豈敢但冀渠作郭汾陽

題龍皞臣詩稿

古音去人遠獨嗜無與親之子挾瑤瑟三歎爲我陳驚
流無迴波傾軻少完輪四顧積冰雪寸抱生古春養之
淵靜中靄然還溫淳蹇劣豈異趨聽曲稍識眞繁音忤
衆蚓百悔叢微身終焉滌塵軌逸志希道鄰遠盼葛天
前甘爲隴畝民

次答段芳山農部

風騷今未遠蘇李自堪師一字疑誰析七詩爲我規用
心知最苦故相益深悲灑涕吾何適陰雲大野垂

適得家書謝乞醫者

十年潦倒漁竿客作賦黃樓憶潁濱成佛豈居靈運後

論詩晚與老坡親已知方柄難諧俗未信探丸會活人
何日刀圭親付我盡迴元氣起罷民

送陸稼堂廉訪之官保陽

水部論交自後先

謂戴雲帆

抱真餘事託詩篇浮漫粗試屠

龍技杜老悲歌射虎年好時思歸旋起用外臺說士最
稱賢獨憐遠海多飢雁風雪依依是別筵

元夕獨坐憶弟

寂寂竟何事沈沈月上初佳辰翻畏客老拙獨親書短
後從吾適長安不易居故園驛使到消息近何如

月下再寄舍弟容菴

燕市一輪月，雞栖萬里身。尙多兒女累，獨有弟兄羣。
粥誰同啖，燈枝亦自新。時時踏街鼓，羅綺照青春。

病中題詩法易簡錄後

勺洋一勺水，無多墨不磨。人人自磨眼，底未能容俗物。
病中難遣是詩魔，亦如止酒開還戒。誰與爲歡嘯也歌，
尙有間居四十載。紛紛說夢任春漚。

得同甫江浦書並懷人詩五章題寄

邳湖刪述布衣尊，簪組春明笑語溫。到處相逢偏說項，
當今此事要推袁。探喉瑰辨九河瀉，落筆塵沙萬馬奔。
歸去更知詩格健，五君歌哭許重論。

同甫書來訊余去處兼憶城南舊游

難間并樓坐嘯時夷吾江左少人知百年未死誰能料
萬里重來亦自悲遠寺蕭蕭鳴鐵馬酒家寂寂換金龜
浮雲飄泊仍無定只有蒼山繫夢思

賄詩及武夷舊約

次韻答翰臣兼訊西江近事

文侯於子欣有素曾叟相從非一年已知齊據戒濟水
應念湓浦多荒烟使者敢云從軍樂劇州更須長吏賢
校士姑緩收民急平反未可勤蒲鞭

再題翰臣書後次前韻

書自姑蘇來

客邸天寒方念子江邊雁至是新年路經短簿祠前月

筆寫仙壇石上烟別後詩篇真勁敵舊時文字壓時賢
固知瘡處爬難到笑說方平不妄鞭

王心如出關省親圖心如爲余婦兄嘗由維揚棄
官數千里至保安省余叔舅禮思先生旣爲圖
乞序復題一詩

涿水古戰場拂雲漫紫塞長城亘萬里居庸限中外策
馬燕然臺山勢逞雄怪烟樹吞青冥仰見天地大漠漠
孝子心揮鞭發長喟出關不憚遠沙磧撲襟帶阿翁古
循吏邊風破茫昧趨庭喜君至治譜爲子誠遙遙三十
年丹墨通警款兩家話前事苦語吐一快蓬蓬白雲飛

老木補圖畫忠孝無多言述德子其勸

安園古松歌

園在金陵國初爲靖逆侯張勇遺構後屬劉玉階農部大父觀察公乾隆初始改今名今百餘年矣玉階置酒丐同人作詩爲題長句

曩聞安園有古松枝葉秀出柯亭中根大百圍蔭十畝
盡收烟翠鍾山濃將軍夜宴方召客火齊磊砢堆盤紅
妖姬如花出歌舞彷彿夾水酣笙鏞老髯冷視在雲表
下笑蒲柳差爲叢白鶴厭客亦飛去繡幕塵積餘刀弓
茂貞奉誠遠易主孤標苦臥冰雪封君家大父夢得裔

雲英萬卷卑雞籠卜居喜近青溪側佐飲亦有紫駝峯
是時江南方全盛板橋羅綺繁歌鐘故家遺風久漸變
草樹荒落無歡容秋廬聽秋少人到濤聲怒與江流東
落星盡碎墮花雨戈甲滿眼秦淮空小倉竹多供飼馬
北埭楓冷號沙蟲千年老梅同煨燼斧斤豈能赦蒼龍
前江後段事一例水中歌哭烟濛濛曹司語此尤太息
浮雲變滅隨春風舊時園記尙埃攷北山移文惱狙公
不如乘醉濡毫畫橫障偶坐且學商山翁

繡山致經堂圖

海內藏書家天目逮天一予宗八萬卷述聞亦乞乞君

家儀鄭堂插架富縹碧四庫錄其副闕里萃篇籍樸學
世所希漢宋胡齟齬阮公開學海經解百氏積通志相
後先於君乃姻戚頗聞罹兵燹副本已散逸東南文獻
盡淮揚憤再厄偉哉聖人裔暴秦閔在昔千鈞懸一髮
亡書誠可惜大道無盛衰六經懸杲日邪說敢詖正簞
火黥將夕抱卷多苦心百城隱可蔽風塵滿天地嘯歌
吾自適恍聞絲竹聲玉虹燭孔壁

潤臣出示犀角槎杯席間索句

五音角屬木斷槎臥枯槎斲之爲酒船奇古謝雕剖流
杯不得停千里洪河走蟠螭菌縮蠶翻瓢勢爭陡藉以

疏勒簞往問博望叟君齋富觥觥量羅衆有纍纍儼
勺彛薪薪鬪射耦銳者曲若觥窠者深逾曰長者壓巨
罌矮者陋覆缶鑿落巧勝銀碧筍新截藕觴羽佐奔瀉
頸癭嗤怪醜獨此匹犧樽捧出爛兕卣劣可酌四升卓
當誇五斗霜皮誰所剗鐵甲堅難招觸指駭杓枒澆留
忽堆阜星紋隱起棱梁產異屈黜童奴頭何卬將軍腹
無負不遺細鐺鳴眞同巨海受我家碧山槎雙竿亦希
偶劈水略知瀾辟寒甘獨守寸靈冀少通歡場劇戰拇
五鹿未云折一匏竟鉗口自笑室如蝸幾忘柳生肘何
如鴟夷子藏懷挈左右箴詞瓶眉創世澤水心厚子孫

永寶用飲此千萬壽

汪慕杜編修常爲余言陳麗秋李子衡之賢書此

代簡

高文復古貴清真脫紙秋河最絕倫京國雨生常在口
弈棋百變不由人何知鸞鵲籬邊物已是蓬萊頂上身
更欲乞君材館錄冰霜小忍到輪囷

孔宥函刺史和陶有貧士詠七章琦亦與焉感歎

疇昔題寄江浦

馬陵甘避俗念亂復悽然老鶴藏烟雨封狐歷歲年雄
心腰下劔妙解畫中禪慙沮詠貧士南村獨汝賢

再書宥函和陶詩後

東坡去人遠南寺又繼之

君詩多在
南寺時作

真意旣已得外人

奚足知浮梁別後夢逸鶴雲間姿我亦心嚮往灌園思
及時

次韻酬廖韻叔刺史並示銀衍堂大令

故園荒卻軍書久宦轍東西復幾人難擇烏棲風雪苦
再逢燕市笑謠真草堂有句頻相寄繭卜無心恐未神
自是廟廊高論少馮唐頭白尙沈淪

偶吟

欲去悲長缺孤吟尙短檠春迴紅蠅蠟渴飲綠昌明雲

暗浮花徑風低雜雨聲曉寒吾不畏側帽聽新鶯

飲酒憶粵中舊游

嘒嘒歲月上華顛草草春盤佐綺筵一笑顏顏因酒變
兩年旅味向詩偏縱窺聖處知何用薄有時名亦自憐
爲語山中舊猿鶴此心已到嶺雲邊

伯言先生沒逾年少鶴農部設奠於城南龍樹寺
因出先生手跡并次曩年壽先生詩元韻時丁
巳三月二十一日

老槐翳遠寺羣動攝一靜十年迹遽陳竹葦荒舊境遺
文尚在篋北斗曜孤迴晨星餘二三我輩尙鼃鼃死生

何足異壯心百事屏元鶴倘飛來黃鸝劇三請春風醉
杯酒淮上烟月冷烽塵徒惘惘宿草淒露警一篇个園
傳墮淚卷重秉

席間重展梅先生壽讌圖再題一律

蒹葭閣上懷人處日暮風高山氣陰湖海蒼茫遺老盡
文章涕淚隔年深舊圖西舫餘橫卷猶夢南齋寄遠心
我亦葛君詩弟子尊前潦倒二毛侵

汀鷺招同潤臣小飲

青氈仍是舊白首竟如新養拙存吾道論詩復幾人不
辭文字飲難得友朋親淒絕山陽笛

語及四農當年最愴神

酬王少摩大令卽送之官豫中

十年不到長安中名士過眼如飄風浮雲蒼狗亦變幻
首陽柱下誰雌雄兵戈滿眼尙爲客塵沙擾擾差雞蟲
故人李生久不見

謂小韋

梁園傲吏驚相逢才名四海習

鑿齒落筆如飛走蛇龍新聲胡愛黃鸞曲幕府不數黑
頭公嗟我衰老值強伴小槽歌罷珍珠紅讀萬卷書行
萬里對此頗可開心宵獨惜稷契多苦語往往取笑同
學翁花前有酒尊不空雲夢氣吞略從容無多酌我狂
更甚仰首試看冥飛鴻

飲陶鳬香宗伯寓齋喜吳幼桓至話舊

武公抑戒接賓筵潞國龐眉亦自賢眼底公卿皆後輩
老來陶遣賴詩篇古槐落葉方營奠

公適有悼
公之賦

赤壁歸

舟話往年鐵笛倚歌仍二客雅音合續別裁編

次答幼桓

紅樓夜夜惜華筵幕府分陰獨子賢舊曲銅鞮供一映
大江鐵板唱雙篇

承錄舊作
見懷二詩

英雄淘盡如奔浪滄海重

逢各問年尚有剗蛟心事在偶然題句不須編

書藕船酒器詩卷後

李侯有酒器笑說似圓棹聲小出春蚓肩高病夏畦習
池風未遠豪侍理難齊莫問獨醒叟沈沈醉若泥

寄周春門觀察卽次畱別元韻

風高燕市酒初醒一紙書來雁北征
洲近百花漁子夢春回細柳亞夫營
芻蕘宛水蘼民氣虎豹昆陽駭戰聲
磨盾從容飛露布風烟亟掃兩河平

符南樵索題半畝園訂詩圖越日復招子貞潤臣

同飲

憶昔舟航畱述作三月烟花照城郭
青簾白紵倚虹園載酒論詩亦不惡

君有湖山載酒圖

東南半壁况全盛轉運風

流縱歌嘏百餘年來幾壇坫湖海流傳僅一勺
正聲微茫新聲競詩老獨餘沈文慤
清裁玉暎別僞體當時大

科啟鴻博前輩飛騰去已遠後生平原誰可託維揚羈
客寄鷗閒收拾風月飽行橐昆山之王靈蛇珠一日聲
名滿京洛公卿投詩如束筍鯨魚觀海紛駭愕朝騰百
紙眼如電暮投千篇手自削園居半畝最疏秀几案蕭
然畫巖壑黃鸝紫燕春事深自云苦心慎尺度更名正
雅絕徧迫我行我法意無怍前日乘閒走酒市翰林狂
客大歡譁謂子貞詞律清溫本一例咄咄論鋒出千鎖酒
龍詩虎何激宕古人可愛今不薄豈有名心爭時彥但
多悲愉感今昨挽回風會付君等莽莽江天正寥廓

次答家眉君卽題蓉垣集稿

漸汗先朝說舊臣江湖憔悴作詩人百篇樂府饒歌曲

七載蠻天戰馬塵明月狂呼何遜好

謂子貞

大峨徑闢廣

夫新

藝叔兄仲

詞原再覩吾宗秀一髮岷江繫汝身

王褒何故頌賢臣虎嘯中原要有人重到寶雞增涕淚
可堪猿鶴亦沙塵荒江草木隨春老獨客悲歌與酒新
不用光芒凌李杜高談刪述拙謀身

同眉君飲范雲吉寓齋示坐中諸子仍次前韻

西曹東觀半儒臣縱酒歌呼又幾人岷蜀爭先揚馬跡
江河不廢齊梁塵少年輕薄仍須遠老輩交期久更新
論士稍寬持己峻兩言韋佩可銘身

復次前韻贈桂德山兵部

猶及西疆識重臣

謂林文忠公

歸來郎署老斯人乾坤蛇豕

虛垂涕冰雪文章絕點塵同譜知君差恨晚兩龔論史
最翻新大伸士氣通言路止爲蒼生不爲身

題彭詠莪相國松風閣詩卷再次前韻

師門臺席冠羣臣

公及崑臣同年與文孔修師並時入相稱爲佳話

虛已調和

在用人

聖主卽承宣室召素衣尙婉洛陽塵巨編

餉我松風古佳句思賢測海新

家集中多思賢之作

亦欲况懷辭

一語舊爲臺諫憚呈身

偶述

吾友善論學語我心有天乍聞驚創獲細思得其源我方讀尙書慨想三古前知人能官人安民邦乃安當時君臣際親若朋友然質直無面從愼之一話言聰明必自民命討不敢專事事有天在萬慮勅幾先禹拜皋孜孜難窺聖心淵夏商當大競九德精用權周公獨知之吐哺勤下賢明告孺子王載之立政篇籲俊尊上帝此語萬古傳後來英傑人識此拯時艱得半已足霸矧能用之全自後漢魏來任法以防姦九品與中正考課不憚煩唐後用科目試士法相沿銓選委吏胥賄賂搆弊端雖有拔時宰破格良獨難采名易滋僞蹈常差免愆

宰相用讀書稍可濟其偏守官如守道道明斯能官黜陟操政本元化隱轉旋茲言非迂疏吾友信且堅更當顓討論汲汲相磨研異時侍講讀儻可陳經筵

過芳山寓齋芳山所居卽梅先生故廬距椒山祠稍折而南半里許曩與同人爲文酒之會今十餘年矣感而書此

雨後苔痕綠窗明竹徑斜前時梅尉宅今日段侯家
山客至頻呼酒詩清更飲茶難忘眞率意遠夢在天涯
芳山集後得見文端公畫馬詩淒然於知己之感

有作

段子論詩好權奇故相苦心深知之自袖新刊詩一卷
末附太保畫馬詩太保馬詩承 詔作意殊漢歌有危
詞相士相馬兩言耳輔導 英主當如斯天地風塵
況不靖庸奴豈足供鞭箠應圖求駿未爲晚要取真種
遺毛皮可惜道林遽歸去世上神駿愛者誰

靜坐

靜坐有何苦獨吟不耐閒
妄思若與拒茲道得之艱
寒深四月雨雲白一房山
我自耽文史養病方閉關

張詩船侍郎畫雙松張慈仁寺壁一夕爲人竊去
作詩紀之春圃相國次和見示依韻奉酬

寺荒樹古野僧閒壁上雙松意不關
竊月料難煩鶴守化龍亦欲破天慳
虎頭癡絕同豪奪鷗背重摹待補還
詩句更須圖主客抽身簿領望秋山

同潤臣仲穆至極樂寺看海棠因游萬壽寺而歸
道人愛花如游蜂荒刹羅綺紛爲叢
國花堂中羅衆豔春寒睡起嬌更慵
綺窗新拓蔽修竹野桃一枝出小紅
美人對此頗卻立妖嬈自惜顏色豐
歡情易減雨氣少一半狼籍隨東風
我老厭逐少年伴鈿車疾走聲不通
萬壽寺前有老栢狀若蒼枯蟠千龍
樹根怪石作人立碑亭暗淡陰氣濃
始知時豔易爲悅參天愛此冰雪容

佛閣花雨正繁會金錢布地敲疏鐘衣香粉黛雜士女
雙蝶飛近西復東日晡驅馬各歸去詩客一笑豁幽悵
呵壁書此當游記買醉更問鄰家翁

潤臣席上食筍甚美戲爲長句並呈汀鷺

長安市上竹勝肉百錢難買筍一束錦苞戢戢比瑇瑁
素肌寸寸藏寒玉庖人不解呼稚子但說角生類黃犢
初時瘦澀不可口土膏漸肥競充腹四月已過山櫻紅
菖蒲酒香甕菹綠堆盤大嚼爲失笑介壽先生真不俗
時爲汀鷺
作生日詩禪玉版要同參腐儒粗糲我亦足故山籊
龍不煩念千畝可移成淇蔡市兒醒醒豈知此城西水

邊多種竹

何子貞飲顧祠因題潤臣城南買醉卷子爲次韻
昨聞論詩貴獨得應有卽有無卽無買醉城南愛葉仲
餞春狂氣過雲夫已驚劍外傳高足還作遨頭笑大蘇
老輩風流知未遠青松紅杏續爲圖

蕭薌泉舊藏尺五莊探雪圖筆意疎淡展玩久之
因感昔時春遊漫題數語圖爲萬廉山作西江
高手也

漠漠水澍濶離離蒲葦短一亭如笠大墨雲漬遙巘浩
浩成一白春回草木晚林靜鴉無聲花遲鶯亦懶尺五

莊久荒故事餘詩本年年送春去春去終不返不加探
雪客空山獨偃蹇

少鶴兩和余海棠詩時讀君龍壁山房集卽用集
中次子貞閔重五飲鳬翁寓齋詩韻奉答

少年趨名倬猛進窮無阿堵語不韻老去強作感春詩
爛漫朝晴鬱深潤十刹醉倒海棠顛一寸豈知黃楊閏
忽驚豪語飛百斛脫手明珠不我吝玉池西舫好風月
農曹雄筆走堅陣猿狙老仙今健者咋舌咄咄畏鋒儔
閩江奇氣亦間出謂穎叔解缸示怯疑不信蔗枝疊中始
大服天漿飽飲陋村醞歡場跌蕩紛幾年冰雪漸看皚

兩鬢猶記籌策參典午肘閒笑擲通侯印江頭榛莽狐
鼠驕郎署崢嶸歲月迭頗聞禁中有頗牧何更遠方圖
神駿舊游如我彌懶漫好鳥幽花時一瞬且欣近局祀
山谷下直歸來重走訊

穎叔近
有期會

疊前韻簡子貞

翰林七品官不進小謫峩眉發清韻奇探五屋得未有
飽飲山渌貌豐潤邇來詩老紛招邀被酒哀歌重五閨
百榼盡倒頗近狂三日不見已生客炎天願祠來磅礴
雙松飛雨跳急陣自云善書如善射猿臂勇爲衆狙僞
亦恨古人無臣法太貶今人莫深信相見屢規開口笑

萬言何如飲美醞李杜斷斷難檢束身世勞勞兩蓬鬢
怪石古槎亦間作東洲詩畫鐫小印洪河豈妨泥沙下
奇筆皆驚鷹隼迅謬說曹檜張大楚絕足敢追千里駿
師門籍湜方汗走觀海眩轉不及瞬三山碧落何處尋
五柳門空誰過訊

時魚翁沒
已浹旬

送少蘭之官長沙仍次前韻

五年佐軍恥倖進襟帶翩翩想高韻笑兀未盡胸中奇
霖雨思爲天下潤江南草間方偷活豈比霸統竊餘閏
盧循會須一鼓滅破格慎無誅賞吝蜀帥一軍百戰餘
部下蒼頭敢突陣

謂張
鎮軍

樓船苦無十丈蛟英名已是萬

夫儁軍中譽毀半失實司馬目擊累功信舉劾尤能厭
人意如飢得餐渴飲醞獨恨統軍甘退守失策句容焦
髮鬢將權不一令不尊登壇宜懸九獅印此語甚當切
時務惜屈枝官行已迅安得以此上論列驥足終當騁
雄駿風塵黯黯嶽雲高千里湘帆如轉瞬蒼茫爲我問
家室衡陽有書勞報訊

酬高寄泉大令見懷

居庸疊翠真宜畫海岳頽唐畫不成階蝶夢醒秋尙早
杜鵑啼罷月微明書來愁思紛難說別後詩篇老更清
一勺飛泉應餉我盤山深處濯吾纓

鄒鍾泉嗣君子斌繪春江放棹圖寓思親之意感

作長句

先公撫粵功最奇危城百戰賴保持去思碑在盡墮淚
廟食八桂今有祠念昔鄉團方創始頻年捍禦忝所司
獨公知我謂我直軍府大計勤諏咨寮屬猜忌百不顧
餘力堅彊及文詞可惜王韓功不竟罷歸沿江多賊旗
金陵事急迫公出知不可爲強撐楫噴血罵賊死最烈
斷其兩臂無完尸我有孤姪作僉卒具微目見非妄辭
徑須采摭入公傳未詳世系姑埃之嗣君作牧方入覲
手捧公狀涕漣漣百年史筆要公論青山白首鬱深悲

金焦春游話昔事大江烽火何阻遲忠臣有後亦幸甚
難寫淒淒孝子思

雨後簡鍾官城並示芳山

十載重逢梅尉宅簾櫳寂寂鳥聲幽老思舊事多流涕
雨後微涼已近秋驛使忽傳邊訊急滄江亟掃亂雲愁
壯懷難遏猶飛動頗似飢鷹未脫鞵

有懷琴西卽用少鶴與琴西步荷池韻奉簡

澱懷池好夏氣清草木蒙籠小山頂荷花三面繞亭館
只合仙人來管領瀑直晚歸車馬閒吮墨哦詩坐花間
樓頭月明一湖水記取深秋攬山翠

去秋同仲穆
宿尊齋看月

王子梅少尉集慈仁寺同春圃相國詩船侍郎子

貞編修海秋潤臣繡山三中翰小飲越日子梅

用詩船題聽雨橫卷韻分贈同人次答三首

邊塞久荒兵事兆饒歌譜出獨君聽

澹如攜拙稿至厯下君亟欲付梓

可憐市駿臺重到尙說燕昭霸氣靈

補竹高吟竹下亭詩樓飛雨白龍聽似聞海市曾親覩

雲氣荒荒擁百靈

猿叟強攜筇杖至松根二老倚松聽華嚴一會分明在

壁上靈山衆佛靈

答王載源內姪卽送其歸山東

佳篇難得比高官異想忽開李杜韓天上白榆原厯厯
山中老桂自團團一登泰岱衆峯小九點齊烟海水寒
剩有傳家詩數卷摩挲遺墨待重刊

時重校先
大夫詩草

懷張南山年丈粵東

海內文章祇數公廿年遠憶一尊同虞衡盡攬千峯秀
詩派今開百粵雄收涕遺編存桂故

先大夫遺詩采入
詩人徵略續編

焚餘諫草有家風獨憐邊徼蕭條甚蜃氣昏昏島嶼空

趙小湖卻聘圖

徵書謝卻門常掩碑兀高風未可攀松下笑看雙鶴舞
此心安處卽深山

遠方有弟阻烽烟

謂遂生介弟

劬藥長機亦偶然夢到六湖

秋更綠看雲白晝未應眠

六月十二日集林穎叔寓齋爲山谷道人作生日

會者凡八人以日學月問旅人念鄉爲韻分得

念字

穎叔嗜公詩嚼櫬苦不厭冰雪雙井水肝膽一古劍南
樓縱清興風月有何欠跣足頗自適禪悅耿在念青石
坐圖畫碧筍斟歛澹西江派自別晁張軍久歛汗下奉
瓣香萬古此壇坫

月夜過潤臣汀鷺次前韻二首

論詩以禪喻常味芻豢厭虛堂傍檁木綺語割利劍日
學月有問萬法了無欠養生提四印浮雲驅百念登峯
識嶒峨涉險恬瞿澹但餘夙昔心靜對畏友歛秉燭愈
冥行涼月穿楹帖

久客忘榮悴至道孰欣厭坡老鸞強弓樂天譬斷劍百
年未易滿溟海一指欠得馬與失馬清涼爭寸念明月
况三五金尊波灩灩抗今誇詩膽望古忽懦斂蘇黃無
軒輊北宋兩崇帖

題家眉君北征詩草

壯懷北走桑乾水不盡風流萬古情花下一尊容小縱

曾前五岳守嚴城冥心已解青牛句諫草深知白馬生
梅熟自應同我啖更畱詩筆證宗盟

贈劉炯甫

樸儒專本學餘事作爲詩詩亦到至處張林同襟期

謂亨

甫薊二子我執友知我勝自知君夙與之厚屺樓抱偉
奇孜孜述間學德成彌恭卑鄉校有前型文章曜長離
晦翁不再世安溪自可師將子宰百里翼翼不忘規西
涉祁連高羌夷慎藩籬邊防倘見詢請今繼言之

歐陽文忠生日以事不與會分得過字追作一詩
移書司諫憤欲唾范富同貶翻可賀翰林偏直獨歐公

匡廬千仞氣不挫不談文章談政事吐吞虹霓忘寒餓
潁東水綠菱芡美歸雁亭孤秋草卧門下簪犀曾蘇王
手提衆俊功最大固應師道尊百世高蹈孟韓激頑懦
白云一樽復一琴四十稱翁未爲過滁州絹本我舊識
偉貌疎髯儼在座圖中作贊晁與李博士沈遵歌且和
獨笑難爲醉翁客有酒不飲甘嬾惰枕屏二鳥呼我起
火急索詩要補作

次前韻題潘四農先生養一齋集并示潤臣

淮水綠淨不可唾夏花千盃爲君賀天下文章有中興
眼前勃谿豈能挫弔古不羞柳下黜裹飯且憐子桑餓

計車屢上不稱意射湖有宅決歸卧聖賢英雄發奇想
排斥老釋心孔大養一如此信可師葉仲何勇我何懦
遺書乞歸讀百篇氣壯本朝語非過山陽主客誰繪圖
鐵笛江樓列宴座晚年觀海尤豪縱木果獨吟難爲和
嗟我老學頭已白株守舊聞近媮媮安得九幽起相質
盡返質實無妄作

內兄王心如繼室張恭人善教子其子達源前母
袁所出也爲繪雪窗課子圖徵詩

父能教其子母或覆庇之溺愛所自出異產輒怒咎不
然貌爲親教督不一施父兮遠從宦履霜兒寒飢多男

信多累母亦難爲慈溫溫張恭人婉婉敦書詩均仁無
偏昵勤劬何孳孳朝則課兒讀暮則嗔兒嬉理家又嚴
整孤惻賴攜持以此父心慰官事乃愈治連珠十一子
一一龍驥姿濟上有令譽匪我姻戚私爲書雪窗圖傳
之作母儀

葉雲素先生種藥圖

種藥舊聞海上僊采自下田躋上田黃門給事有道者
白簡懷懷斟化元平生著錄在典禮晚歲完養彌充堅
醫師昌陽豈足道南園吏隱能兩全哀哀漢陰古孝子
抱柩沒江世驚傳魚龍扶護出濤面墓側翦茨經九年

生祥下瑞集白燕蘭茁其芽芝草蕃自云種藥如種德
一經教子又教孫天道濶遠世莫信班班槐棘在後昆
仲孫能詩視我厚裕林靜掃窺巨編清霜烈日見眉宇
飛騰前輩誰比肩捧圖再拜舐遺鼎內行已是人中天
神仙忠孝事豈二使我不疑知本根

雨後寄家弟容菴集杜

不辭萬里長爲客欲問平安無使來永夜角聲悲自語
一生襟抱爲誰開黃鶯並坐交愁濕春雁同歸必見猜
與報惠連詩不惜五雲多處是三臺

錢南園侍御畫馬詩爲潤臣閣讀作

二馬並驅一馬馳山立電行尾搖風忽然仰嘶向天闕
眾口噎啗驚真龍真龍遠自滇池至異材間生豈擇地
赤驥不數渥洼姿白筆隱挾風霜氣昔讀公疏久心折
更聞畫馬能畫骨腕下峻嶒出瘦硬千首詩存共突兀
梧門散落少傳本老物通神不磨滅香蘇作歌一長歎
南園迭起兩忠節雲素先生顏所居與公同當時裂麻思陽城伯庸
肇錫以嘉名潤臣命名所自況今遺墨覩唐肆陟山恍惚來降
精先生畫馬真是馬細思妙處不在畫風塵巨眼誰道
人何不按圖索驥驂

題蔡梅菴太史近稿仍次贈炯甫韻

蔡侯侗儻人有意昌其詩昌詩先昌志遠爲千載期得
失隱自揆苦心非人知學古果有得平夷造深奇不然
徒形模空文道終卑世運有淳薄交道無合離達者不
矜高迺問我所師我師繁豈遠養一眞良規天地同化
元鵬運猶鷗籬靜則意有餘更爲子誦之

怡志堂詩集書後

詩何以言教也將欲垂範天下後世使之正人心厚風俗也孟子曰詩亡然後春秋作設使當日詩不亡則春秋可以不作詩之關於世教豈細故哉余嘗持此說以驗生平所與遊及挾策走京師得交四方碩儒巨人雖未能遽測所造之淺深而其意趨夷然不俗能自成一說者非其人有所建白於時亦必不失爲自守方今中原多故士多馳驚思建尺寸求其奮發慷慨能以幹略自任者究不外從前脩學嗜古從容嘯詠者之數人然亦有事權不屬所用或未盡其長甚至以一人之失

一事之疵忌才者不爲畧迹而原其心遂謂平日講義
理談詩古文者爲概不足信臆天下有食菽粟而生百
病者矣未聞有因疾病而廢穀食者也上下數千百年
興觀羣怨之遺意縣縣不絕一髮千鈞不於此時挽頽
風扶清議而乃欲以索瘢指瑕之詞爲異已詬病者而
助之攻非有心世教者所忍出此也桂林朱伯韓先生
曩官京師與余交有年矣然講學之日多而言詩之時
少而余固深知先生之能詩也蓋其爲人勇於義潛於
學其性情真者其詩必真真則天下事何不可爲詩其
餘事耳先生嘗爲余言早年取徑香山及與伯言梅郎

中遊始改師杜韓及北宋諸家今年夏余以事至京把
臂道舊故獲讀所爲近作時方以初稿付梓余居憂不
敢言詩而又不欲默默無一語也於是爲書卷末俾知
詩教之重而又以告世之讀先生詩者毋徒以詩求之
江右鍾秀

詩以編年爲善吾人既有詠歌之職則我生以後所遭
治亂升降之大端與夫友朋倫類遇合終始本末後之
人皆將於詩乎求之伯韓宗長昔值承平議論關大計
軍興以後半在行間其詩多表揚義烈規切時弊足資
史冊攷證新饒歌四十章別爲卷列集首則又以一代

之樂歌象功昭德鋪陳鴻藻傳之無窮非一人一家之
私言也古之作者正如是矣咸豐七年仲夏宗後學鑑
成